



Broj: 16-12-16-3677-11 /22  
I. Sarajevo, 16.06 2022. godine

Na osnovu člana 8. stav (2) tačka h) Zakona o Državnoj agenciji za istrage i zaštitu ("Službeni glasnik BiH", br. 27/04, 63/04, 35/05, 49/09 i 40/12), člana 70. Zakona o javnim nabavkama ("Službeni glasnik BiH", broj 39/14), na preporuku Komisije za nabavke za potrebe Državne agencije za istrage i zaštitu u 2022. godini, u postupku javne nabavke usluga tehničkog pregleda vozila za potrebe Državne agencije za istrage i zaštitu, direktor Državne agencije za istrage i zaštitu, d o n o s i

### O D L U K U

u postupku javne nabavke usluga tehničkog pregleda vozila  
za potrebe Državne agencije za istrage i zaštitu

#### Član 1.

U postupku javne nabavke usluga tehničkog pregleda vozila za potrebe Državne agencije za istrage i zaštitu (daljem tekstu: Agencija), na preporuku Komisije za nabavke za potrebe Agencije u 2022. godini broj 16-12-16-3677/22 od 15.06.2022. godine, ugovor o sukcesivnom pružanju usluga tehničkog pregleda vozila za potrebe Agencije, za period od tri godine, dodjeljuje se ponuđaču „LANGO d.o.o. Istočna Ilidža“, za ponudenu cijenu u iznosu od 8.327,00 KM bez uračunatog PDV-a.

#### Član 2.

(1) Ponuđač „LANGO d.o.o. Istočna Ilidža“ obavezan je ugovornom organu dostaviti dokaz o ispunjavanju uslova iz tačke 5.2. Poziva za dostavljanje ponude.

(2) Dokaz iz stava (1) ovog člana (orginal ili ovjerena fotokopija) ponuđač je obavezan dostaviti ugovornom organu u roku od pet dana od dana prijema ove odluke.

#### Član 3.

Prijedlog ugovora dostavit će se na potpis izabranom ponuđaču, po proteku roka od 15 dana, računajući od dana kada su ponuđači obaviješteni o izboru napovoljnije ponude.

#### Član 4.

Za izvršenje ove odluke zadužuje se Sektor za materijalno-finansijske poslove Agencije.

#### Član 5.

Ova odluka objavit će se na web stranici Agencije, istovremeno s upućivanjem ponuđačima koji su učestvovali u postupku javne nabavke.

## Član 6.

Ova odluka stupa na snagu danom donošenja.

### O b r a z l o ž e n j e

Odlukom direktora Agencije broj 16-12-16-3677-1/22 od 05.04.2022. godine, pokrenut je postupak javne nabavke usluga tehničkog pregleda vozila za potrebe Agencije, za period od tri godine, procijenjene vrijednosti 36.000,00 KM bez uračunatog PDV-a. Poziv za dostavljanje ponuda je objavljen na službenoj web stranici Agencije dana 18.05.2022. godine, dok su novčana sredstva za realizaciju navedene nabavke obezbijedena u okviru budžetskih sredstava za 2022. godinu, a na osnovu Odluke o privremenom finansiranju institucija Bosne i Hercegovine i međunarodnih obaveza Bosne i Hercegovine za period april-juni 2022. godine („Službeni glasnik BiH“, broj 19/22) i Dokumenta okvirnog budžeta 2022.-2024. godine. Navedeni postupak javne nabavke proveden je u skladu sa Pravilnikom o postupku dodjele ugovora o uslugama iz Aneksa II. Dio B Zakona o javnim nabavkama („Službeni glasnik BiH“, broj 66/16).

Obzirom da je tačkom 11. Poziva za dostavljanje ponuda navedeno da je rok za dostavljanje ponuda 02.06.2022. godine, Komisija je dana 02.06.2022. godine u 14,00 sati izvršila otvaranje ponuda prema datumu i vremenu prijema, numerišući koverta, te konstatovala da su u ostavljenom roku pristigle ukupno četiri ponude i to:

R/B	Naziv/ime ponuđača	Ponuđena cijena (bez PDV-a) u KM
1.	„SAS d.o.o. Priboj”	8.361,00 KM
2.	„NEŠKOVIĆ d.o.o. Istočno Sarajevo”	7.470,90 KM
3.	„BRČKO GAS d.o.o. Brčko”	8.327,00 KM
4.	„LANGO d.o.o. Istočna Ilidža“	8.327,00 KM

Komisija je nakon otvaranja ponuda u smislu člana 63. st. (5) i (6) Zakona o javnim nabavkama (u daljem tekstu: Zakon), sačinila Zapisnik o otvaranju ponuda i isti u roku od tri dana, od dana otvaranja, dostavila ponuđačima, te je postupak dalje nastavila u smislu pregledanja dokumentacije priložene uz ponude, a u cilju ocjenjivanja svakog pojedinačnog ponuđača, na osnovu kriterija „ekonomski najpovoljnija ponuda“ iz tačke 4. Poziva za dostavljanje ponuda.

Komisija je utvrdila da je ponuda ponuđača „LANGO d.o.o. Istočna Ilidža“ prihvatljiva odnosno da ispunjava uslove propisane Pozivom za dostavljanje ponuda, dok su ponude ponuđača „SAS d.o.o. Priboj“, „NEŠKOVIĆ d.o.o. Istočno Sarajevo“ i „BRČKO GAS d.o.o. Brčko“ neprihvatljive.

Komisija je utvrdila da ponuđač „SAS d.o.o. Priboj“ nije dostavio Izjavu o udaljenosti stanice za tehnički pregled vozila kao ni Izjavu o roku izvršenja usluge, koje su propisane tačkom 4. Poziva za dostavljanje ponuda. Tačkom 4. Poziva za dostavljanje ponuda propisano je da se ugovor dodjeljuje ponuđaču koji je osvojio najviše bodova, odnosno dostavio najbolje ocijenjenu prihvatljivu ponudu u skladu sa niže navedenim kriterijima. Kriteriji za evaluaciju ponuda su:

- Cijena.....85 bodova;
- Operativni troškovi.....10 bodova;
- Rok za izvršenje usluge.....5 bodova.

Kada su u pitanju operativni troškovi, ponuđači su obavezni dostaviti Izjavu u kojoj je navedena udaljenost stanice tehničkog pregleda od ulaza – izlaza sa službenog parkinga Agencije. Obračun prosječnog utroška goriva će vršiti Agencija na osnovu podataka iz Izjave ponuđača o udaljenosti stanice tehničkog pregleda od ulaza-izlaza sa službenog parkinga Agencije. Obračun će se izvršiti uzimajući u obzir utvrđenu prosječnu potrošnju goriva vozila Agencije. Agencija zadržava pravo provjere podataka navedenih u Izjavi. Dakle, ponuđači se obavezuju da dostave Izjavu o roku izvršenja usluga kojom potvrđuju rok izvršenja usluge, od trenutka najave odnosno dolaska vozila u stanicu od strane zaposlenih u Agenciji. Ponuđači će rok izvršenja usluge izraziti brojem radnih dana (obavezno izraziti cijeli broj). Rok pružanja usluga „odmah“ ili „u toku dana“ će se smatrati da je pružanje usluga u roku od 1 dana. Komisija je nakon uvida u Specifikaciju vozila za tehnički pregled ponuđača „SAS d.o.o. Priboj“ utvrdila da „pod rednim brojem 3. vrsta vozila-putnička motorna vozila za prevoz osoba sa 9 sjedišta“, jedinična cijena iznosi 64,00 KM, dok je prema Jedinstvenom cjenovniku usluga propisana cijena 47,00 KM. Takođe, Komisija je utvrdila da ponuđač „SAS d.o.o. Priboj“ nije dostavio Rješenje ili ekvivalentan dokument, iz kojeg se vidi da je ponuđač „SAS d.o.o. Priboj“ ovlašten da vrši tehnički pregled vozila, kako je traženo tačkom 5.1. Poziva za dostavljanje ponuda. Imajući u vidu navedeno, Komisija ponudu ponuđača „SAS d.o.o. Priboj“ nije uzela u dalje razmatranje.

Komisija je utvrdila da jedinične cijene u Specifikaciji vozila za tehnički pregled ponuđača „NEŠKOVIĆ d.o.o. Istočno Sarajevo“ nisu u skladu sa Jedinstvenim cjenovnikom usluga, koji je propisan Pravilnikom o tehničkom pregledu vozila („Službeni glasnik BiH“, br. 33/19 i 29/20) (u daljem tekstu: Pravilnik). Članom 34. stav (1) Pravilnika, propisano je da sve stanice za tehnički pregled vozila primjenjuju cijene utvrđene Jedinstvenim cjenovnikom usluga tehničkih pregleda vozila u Bosni i Hercegovini, koji je dat u prilogu 12 i čini sastavni dio ovog pravilnika. Imajući u vidu navedeno, Komisija ponudu ponuđača „NEŠKOVIĆ d.o.o. Istočno Sarajevo“ nije uzela u dalje razmatranje.

Nakon uvida u ponudu ponuđača „BRČKO GAS d.o.o. Brčko“, Komisija je utvrdila da navedeni ponuđač nije dostavio dokaz o registraciji, na način kako je traženo tačkom 5.1. Poziva za dostavljanje ponuda. Naime, tačkom 5.1. Poziva za dostavljanje ponuda, propisano je da ponuđači uz ponudu trebaju dostaviti dokaz o registraciji u relevantnom profesionalnom ili trgovačkom registru u zemlji u kojoj su osnovali firmu ili dostaviti posebnu izjavu ili referencu kojom se dokazuje njihovo pravo da se profesionalno bave predmetnom djelatnošću. Kao dokaz u ponudi trebaju dostaviti Rješenje o upisu u sudski registar, Izvod iz sudskog registra ili ekvivalentan dokument iz kojeg je vidljivo da se bave djelatnošću koja je predmet nabavke (orginal ili ovjerena kopija), kao i Rješenje ili ekvivalentan dokument da je ponuđač ovlašten da vrši tehnički pregled vozila. Imajući u vidu da ponuđač „BRČKO GAS d.o.o. Brčko“ nije dostavio Rješenje ili ekvivalentan dokument, iz kojeg se vidljivo da je ponuđač „BRČKO GAS d.o.o. Brčko“ ovlašten da vrši tehnički pregled vozila, Komisija ponudu ponuđača „BRČKO GAS d.o.o. Brčko“ nije uzela u dalje razmatranje.

Uzimajući u obzir propisane kriterije za dodjelu ugovora iz Poziva za dostavljanje ponuda, Komisija je sačinila rang listu ocijenjene ponude, kako slijedi:

R/B	Naziv/ime ponuđača	Ponuđena cijena (bez PDV-a) u KM
1.	„LANGO d.o.o. Istočna Ilidža“	8.327,00 KM

Nakon provednog postupka ocjenjivanja, Komisija je utvrdila da je ponuda ponuđača „LANGO d.o.o. Istočna Ilidža“ ocijenjena kao ekonomski najpovoljnija ponuda.

Cijeneći naprijed navedeno, prihvaćena je preporuka iz Izvještaja o radu Komisije i odlučeno da se ugovor o sukcesivnom pružanju usluga tehničkog pregleda vozila za potrebe Agencije, za period od tri godine, dodijeli ponuđaču „LANGO d.o.o. Istočna Ilidža“, kako je navedeno u članu 1. ove odluke.

Pouka o pravnom lijeku: Protiv ove odluke može se izjaviti žalba Uredu za razmatranje žalbi Bosne i Hercegovine, u roku od 10 dana od dana objavljivanja dobrovoljnog ex ante obavještenja o transparentnosti. Žalba se podnosi putem Agencije.

Na izjavljenu žalbu ponuđač je obavezan platiti naknadu u skladu sa članom 108. Zakona.

DOSTAVLJENO:

- Ponuđačima 4x;
- Sektoru za mat.-fin. poslove;
- a/a.



DIREKTOR  
GLAVNI GENERALNI INSPEKTOR POLICIJE

*Darke Čulum*  
Darke Čulum